

SAL 1
HEJMAR 3
—
DUSEMB
1 HIZÉRAN 1942

RONAHÎ

ANNEE 1
NUMÉRO 3
—
LUNDI
1 JUIN 1942

SUPPLÉMENT ILLUSTRÉ DE LA REVUE KURDE HAWAR



MISTER ÇORÇIL SEREKWEZIRÊ INGILTERÊ LI TANGEKE NÛ TEMASA DIKE



ŞAM—1942
CAPXANA SEBATE

SİNEMXAN

U RESMEN RONAHİYÊ

Hejmara Ronahiyê a didowan biderketi bû. Min jê çend nivişt ani bûn mal. Çavê Sinemxanê pê ket û ji min pîrsî :

— Bavo ev Hawar ean Ronahî ye ?

Min got: keça min ev Ronahî ye, Hawara nû heta çend rojan wê derkeve.

— Ji kerema xwe ka yekê bide min.

Min niviştek da-ê Sinemxanê Ronahiya xwe kire ber xwe û bi diqet li resimên wê temaşa kir. Piştî ko temaşa xwe qedand serê xwe hilda û gote min :

— Bavo ! ev Ronahî ne qenc e, a din jê çêtir bû.

Min got: keça min, ji bervajî ve ev Ronahî ji a din qenc-tir e; resimên wê bêtir in û bi tevayı ji a nivişta pêşin lihev-hatitir e. Sinemxanê li min vegerand û got : No bavo, ev Ronahî ne spehi ye. Resimên tê de hemi resimên apê ingiliz û reskerên apê Lézgo ne –yanı şirensiz– tu resimên kurdmancan tê de nînin. Di a din de resimên kurdmancan hebûn; kurdmanc direqisîn.

Sinemxan hinek sekintî. Qey dida eqilê xwe û xuya dikir ko qîma xwe bi vê Ronahiyê ne dianî û hêj dilê xwe li min rahet ne kiri bû. Careke din serê xwe hilda û gote min :

— Bavo, ji boyî Hawarê ga-va em ji te dipirsin tu dibêjî : ev Hawara kurdmancan e, ma Ronahî ji ne Ronahiya kurdmancan e ?

Ez kenim û min lê vegerand û got : Belê Sinemxan xebera te ye. Lê tu dizanî ko dinya şer e û her tişî giran bûye, em nikarin ji nû ve klişan bidin çekirin. Bi klişeyen hazir û berdest em bes dikin. Kanî resimên kurdmancan, ji xwe resimên kurdmancan li nik me nînin.



JI ESKERÊN FRENSA AZA HESTIRSIWARÊN BERIYÊ

Sinemxanê nemerdî ne kir hema rabû çû ū resimeki xwe digel Çemşid anî û da destê min û got :

— Ev e ji te re resimeki kurdmancan, ma ez û Çemşid em ne kurdmanc in?

Cemşide ko heta hingê têkili ştevâliyê ne dîbû gava na vê xwe bihist bêî ko bizane em qala ci dikin berê xwe da min û got :

— Belê bavo ez ji kurdmanc in; ez torinê mala Azîzan im.

Zarowan zora min biri bû. Min nizani bû ez ji wan re ci bibejim. Heq di destê wan de bû lê min ne dikarî bû ez daxwaza wan binim cih. Min resimê wan kire kûrika xwe û berê xwe da çapşane.



ESKERÊN FRENSA AZA LI EFRÎQAYÊ

Eskerên Frensa aza herçend nê gelek bin ji di her derê û di her çekê de peyda dibin. Frensizên aza nemaze di şerên Efriqayê yani di eniyen Libye û Hebeştanê de gelek bi kér hatine. Klişeyen vî rûpelî şanî wan didin.

KLİŞA JORİN : Frensizeki tihiñ cewdikê avê bera ser xwe daye û avê vedixwê.

KLİŞA JÊRİN : Topeke talyani e balafırşiken. Frensizên aza ev top ji talyanan standiye û niho bi vê topê bera balafirêñ talyani didin.



DANÊN

XELKÊ INGILISTANÊ


Ingiliz bi qasî botîkî nexwin jî bivê nevê bi qasî kurdman-ceki adeti dixwin. Wextê xwarinan ji bo ingilizan wextê civat û wensê yeji. Bi kurtî işe xwarinê ji bo ingilizan işeki girane ye. Berê di sedsala hej-dehan de ingiliz wek parêvê kurdmancan ga, golik dibiraştin. Iro ev ne maye; nemaze di wextê şer de. Digel vê hindê û rex-ma tengiya şer ingili-zên adetperest di wextê xwarinê de digehin hev û bi tama xwarinê ji tama civatê ji zewqiyab dibin; herweki kltşeyen me ên jêrin şanî didin.

Bivê nevê hikûmetê wek her tişti ev mesele ji saz kiriye û herkes li gora rezîka xwe ji vê nimetê behredar dibe.

1 — Di vê klişê de salona qesreke kevin dixuye ko tê de berê ziyafetine

(2)

(3)



3

32



4

mezin çedibûn û jinên lordan direqisîn. İro tê de xwehêñ dilovaniyê yêñ ko li nexwêş û bîrindaran dinêrin xwarina xwe dixwin.

2 — Saloneke bele-diya Londrê. Ev salon ji bo wextê şer vala kirine û sifre tê de danîne û ew kirine xwarinxaneke xelkê. Bê awarteyî herkes dikare here wê salonê û tê de bixwe.


3 — Herweki me berê ji got ingiltz ne cotkar in û erdê wan ne erdekî binan e. Lé

ji roja ko şer dest pê kiriye ew gelek guh didin cotkariyê û bi encamî guh didin cotkaran ji. Wextê nîvro metbexên guhêşbar zevî zevî digerin û ji cotkaran re xwarinêñ germ belav dikan; herweki klişa sisayem şanî dide.

4 — Di vê klişê de xwarinxaneke dibistanêke keçan tête dîlin (Saint-Brandon). Ji ber bombardimanêñ hewayî ev dibistan guhastine derveyî Londrê û danîne qesreke kevnare.

Wer dixuye ko kêçilokêñ Londrê di qesrê de gelek bikêf in; dixwin û dikenin.

5 — Di nav dibistanêñ Ingî




Iterê de Kembriç (Cambridge) gelek bi nav û deng e. Ne bi tenê ingiliz; xelkê biyanî ji diçin û di wê dibistanê de dixwînîn. Klişâ me: şagirtên Kembriçê bi belgihêن xwe ên dibistanî li ber sifra xwarinê rûniştî ne.

6 — Herçi ev klişê rast bi rast bi xwarinê ve ne girêdayî be ji bi awaki nerêrest disa işê xwarinê ye. Baniwek dara bexçeyê xwe dikezixîne da ko sala tê berên wê bi zêdahî bixwe.

ŞERÊ ÇINÊ

Çinê berê bi tenê ji bo parastina welatê xwe ser dikir. Lê ji roja ko japonan diréji ingiliz û emêrikaniyan kir Çin ji bo doza hevalbendan şerdi. Ji lewre eskerên Çenkey-şek daketin heta Birman-yayê û li ber japonan sekinine. Klişâ teniştê ferman-derekî çîni şanî dide. Fermandar li ser hespê xwe ye û érişekê digerine. Çin welateki térfisûs e. Heke çek bi dest ketin çîni wê gelek japonan bişînin.



STIRLING
Ji bombavêjén ingilizi yeke Stirling. Di van balafliran de çar motor hene û ev balaflîr ji balaflîren dînyayê ji ên mestir têne hesêb. Balaflîr di wargehê xwe de ye û lê bomban bar dikin. Ewê disan here û bombeyên xwe berde li ser wargeh û depo-xaneyên neyar.

Ş E R

MÊRANI Û CAMERI

Di şer de mérani şertê pêşin e. Me got û em hergav ji dibéjin. Mirov dikare bi ser ve zêde bike û bibéje ko mérani di her tişti de şertê pêşin e.



Belê mérani di her tişti de qenc e û di her tişti de bi kér têt, di dema xeberdanê de ji. Yen ko dikarin bibéjin « no » mérén qenc in. Herçî « herê » gelek caran pirsa mirovên pis û durû ye.

Lê méraniya baş û sezayı pesn û şabas ew néranî ye ko ciwanmérî pê ve ye û bêbextî dûrî wê ye. Mérê qenc li dijiminê xwe heta ko wi ji dest hilanînê bêxe, dide. Lê gava dijimin ji dest hilanînê ket û teslim bû êdî li wi xistin ne mérani lê bêbextî û nemerdî ye. Heye ko vê qeydê ji wek her qeydê amarteyin hebe.

Klişa teniştê a jorîn ci lewheke spehi dinimine. Balafirvanekî R.A.F. piştî ko dijiminê xwe avetiye behirê jê re filûqeke kewçûk daxistiye û ji mile din elam daye lezbotan ko bêne hawara wi. Balafirvanê neyar bi filûqa kewçûk xwe ji binavbûnê xelas kiriye. Lezbot ji dike wi ji behirê derîne û bibe qerargaheke hçîştan.

Klişa didowan: Balafireke ingilizi dike ji wargehê xwe bi firê bikeve.

Klişa sisayan: Li cenkeştike ingilizi gule û cebirxanan bar dîkin.



BISERHATIYA

SÉ BALAFIRVANÉN EMÉRKANI

Di rohelaté dûr û di serê japonan de sé balafirvanén emérikani ketine behirê û 34 rojan li rûyê behirê mane. Yeki ji wan biserhatiya wan roj bi roj nivisendi bû. Bojnameke emérikani ew rûzname belav kiriye. Veye rûzname:

Roja pêşin — Ji nişkekê ve balafira me ji rêveçûnê ket û nizim bû. Gelek ne bori balasir noqî avê bû. Me filûqa kewçik jê xelas kiri bû; bêt ko em bikarin zadek jê hilinin.

Roja 2 — Tihniyê zor dida me. Hevaleki me bi kéra xwe masiyek kuşt. Lé ji ber tihniyê parî di qirika me re ne diçû.

Rojên 3,4 — Em gelek birçî bûn. Lé me nikarî bû em masiyê xwe bixwin.

Roja 5 — Ji tihni û nêzan me digot qey emê bimirin. Ji nişkekê ve rehmeta Xwedê hate hawara me. Çend peşkên baranê. Piştre baraneke xurt. Me têr vexwar û tiştê ko ji ber masi ma me ew ji xwar.

Roja 6 — Pêlên behirê filûqa me a piçûk ewçenê ned dihejand ko me nikarî bû em di xew re biçin.

Roja 7 — Me masiyek bi 120 sentimêtir dirêj kuşt. Goşlê wî gelek tamdar bû. Ji zikê wî du masiyên hûr derketin. Te digot qey ew di beroşê de kelandi bûn.

KLİŞEYÊN VÎ RÜPELİ

1 — Di ordiwa ingilizi de teléfon û telégrafa çolê.

2 — Zabitên kenedi di menewrakê de. Bi Zabitan re debançeyên timatik hene.



Roja 8 — Me goşlê mësi li ber tavê hişk kir. Hêj çêtir bû. Baran jî dibari.

Roja 13 — Ji dihi ve me tiştek ne xwar; ne teyr ne masî xuya ne dikirin.

Roja 14 — Me teyrek kuşt û masiyek girt. Her du jî heywanine xerib. Lé goştê wan spehi. Baran jî datêt û em ji ber avê nakevin zehmetê. Heçjî filûqa me bi hêlekanê li rojê 50-60 kilometir diçû.

Roja 19 — Zadê me ne ma, lê peşkên baranê qut ne dibûn. Hevaleki me li rûyê avê tiştine girover ditin. Em bi ser wan de çûn; ew gwizine hindi bûn. Rûyê me kenî, ev delèletek bû ko bej nizing e.

Roja 24 — Gwizén hindi nema xuya kirin. Dixuya ko ji nû ve em dûri bejê keti bûn. Me teyrekî behirî kuşt û ew xwar.

Roja 27 — Cenawireki behirî dev li tilike hevalekî me kir.

Roja 32 — Can û giyanê me sist bû bû; imida me dihatê birin.

Roja 33 — Cwizén hindi ji nû ve xuya kirin. Şevê pêde filûqa me di nav van gwizan re diçû. Gava li me bû ronî me bej dit. Pişti nîvro me pê li erdê hişk kir.


KLİŞEYÊN VÎ RÜPELÎ :

1 — Balafireke torpilavêj. Di van balafiran de torpilên behirî hene. Ev torpil gava digehin behirê bi perwana xwek torpilên noqaran, ji xwe ber, ber bi armancê ve diçin.

2 — Ji topêng ingilzî topokey peravin 350 st. mezin.

3 — Du cenkeştiyên Frensa Aza.

3



FRENZA AZA Ù STOLA WE

Ev gotin bi xwe,
gotina « Frenza
Aza » çi gotineke
şérin ù cazibedar
e; nemaze ji me
kurdmancan re.

Divêt firensizên
wê Frense frensi-
zine welê bin ko
ji bindesti ù zor-
keriyê dikerixin ù
azahi ù serbestiyê
dixwazin. Pişli
Xwedê perestoyê
wan azahi ye;
azahiya can ù
giyan e.

Belê Frenseke
aza, ne Frenseke
girti ù bindest, ne
Frenseke bêşan ù
şeref ù bê rûmet.
Firensizên aza
Frenseke welê di-
xwazin ko té de
mirov bikare bê-
perwa xeber bide,
ji qanûnê pê ve
ji tu tişt ù ji tu-
kesi netirse; ser-
best bigere ù ser-
bilind bimire; ù
gava mir ne bi
tenê jiyin lê mi-
rin ji lê bigiri.

Tiştên ko em bi xwe, ji bona xwe ù ji bona Kurdistana xwe a eziz dixwazin.

Çi teşkilateke nefspîçük, reşma ko ji gelek dewletên xudantac ù şah xur-
tir e navê dewlet ù hikûmetê li xwe ne kiriye.

Belê Encimena frenza aza ù ne Hikûmetâ frensa aza; Kumisêrén frensa aza
ù ne Wezirên frensa aza, Sergevazê frensa aza ù ne Serekdewletê frensa aza.

Fransizên wê Frense gava Frense bêgav ma u çekên xwe danî di riyên
behîr ù hewayê re terka welêt dane ù ji derve di bin ala serekê xwe ê héja
general De Gol de gihane hey û bi her awayî dest bi karê şer kírine.

Di vê navê de stol ji hebû. Diviya bû Frensa aza stola xwe ji hebe. Stol



çekên behirê, behir ji remza azahiyê

Gava mitareke çebû wek hemî çekên firensizi çekên behirê ji di nav du fikir û xiyalan de li xwe ecêbmayı ma bûn: guhdîriya emirê hikûmetê bikin û çekên xwe deyînîn an guhdariya dengê dilê xwe bikin, rest û hostê xwe girêbidin û ji nû ve sîng û berê xwe bidin ber agirê top û gulan

Yê ko li wan bibistiya-rike hêj ziravtir hebû dengê dilê xwe kir û berê keştiya xwe di bêpivaniya dehiran de ber bi azahiyê da.

Emiral Mûsolyê « Musolier » di nav van ziravbihistîyan de ê pêşin bû. Emiral digel çend keştiyan terka Mersilyayê da û hate cebeltariqê û jê cû Londrê û xwe gihande De Gol. Ev çend keşti bûne himê stola Frensa aza. Li ser vi himî û birêva stoleke tekûz şin bû.



LEZBOTEKE FRENSA AZA LI PEY NOQARÊN DIJMIN.

Iro di vê stolê de gir û hûr qederê sed keşti hene û ev keşti li rex stola ingilizî û yên hevalbendan, li her derê û bi qehremanî şerê dijminan dikin û herweki medheloka kurdmancı gotiye destûra wan « Heta mirinê çav li kirinê » ye.

Kirdeyên van der yavanên bênav gelek in. Gelek caran danezanên ingiltîzî di nav xêzikan de pesnê van rewingiyêni riya xelas û azahiyê didin.




MERÊŞAL JOFR DI XIZMETÂ FRENSA AZA DE
Merêşal Jofr vaporeke rewingiyan bû. Iro di xizmeta Frensa Azâ de û bi stolê re dixehibitê û çek û esker dibe qadên ser û di mehcetê de bi topên xwe ên hûr bera noqar û balasiran ji dide.

VAPOR

Ü EHEMIYETA VAPORAN

Ji bo karkirina vî şerî ji şerevaniyan re gelek tişt divêtin. Çekêن hejê, çekên behirê û çekên hewayî. Herçî çekên behiri ew ji du texlit in di ser û di bin behirê re. Yen hejê iro bi tenê di ser axê re ne. Heye ko sibe di bin axê re ji çûn û hatin çebibe.

Îşê vaporan, namaze ji bona sondxwariyan gelek bi ehemiyet e. Sondxwari gelek ji hev belav in. Navbera Ingiltere û Emêrikê riya hezar kilomêtiran e. Ji milê din Ingiltere gîravêk e û ji mistemlikeyên xwe gelek dûr e. Jê re her tişt ji der ve têt. Ji milê din noqarêni elemanni ji peravên Ingiltere heta Emêrikê rê li vaporqefleyan digirin û direjî wan dikan, û heke kês bi wan anin li wan dixin.



Ji ber vê yekê her du dewletén behiri ên mezin Inigiltere û Emêrike gelek guh didin çêkirina vaporan. Di vê navê de Kenede ji xebateke zor dixebite. Vê paşiyê destegahêni Kenede di lezbûnê de ji hemi destegahêni hevalben-dan derketine û hewdê vaporekê di 80 rojan de çêkirine.

Klişâ me a jorîn vaporekê li ser destegahê; a jérîn ji topên cenkeştiyeke ingiliz şant dide.

TOPA BALAFIRŞIKEN

Eskerên ingilizi di qada Libyayê de topeke balafirşiken kaş dikin. Ewê wê di tabiyakê de cih bikin.



BALAFIREN BEHİRİ

Balafirên ingilizi ên behiri piştî ko ji febrikan derketine. Ev balafir dê bêne ceribandin û paşê li eniyeş ser dê belav bibin.

ÇAYA FIRAVİNÊ

Ingiliz bêî çaya firavinê nikarin. Ingiliz jê re çaya saet pêncan dibêjin. Di klişa me de eskerên mê ji eskerên nêr re tas tas çaya firavinê didin.



PETROL Ú BARÚT

Di vî şerî de petrol bû hevala barûtê. Herweki berî bê barût şer çênedibû, iro jî bê petrol şer çenabit. Agir bi her diwan jî zû dikeve û dereng tête temi-randin. Ji lewre şerevanî li depoyén petrol û benzinê digerin û li wan didin û agir bi wan dixin; mina ko klîşa teniştê şanî dide.




ESKERÊN ÇİNİ

Çin welateki bisûndemayı bû. Di van salên paşin de gelek pêşve çûye û ordûke nûjen anije pê. Çinî hin çekan bi xwe, di welatê xwe de çedikin. Herweki di klişê de tête dîtin eskerên çinî yên ko bi kelekê li avê derbas dîlin bi her awayî wek eskerine ewropayî ne.


JI ŞERÊ LÎBYAYE

Di eniya Libyayê de tan-gên ingilizî pisti bombardimeke hewayî dirêjî xetôn dijmin dikin.





TANGÊN KENEDÎ PIŞTÎ KO JI FEBRÎKAN DERKETINE DÎÇIN TALIMGAHË




TORPÎLÊN BEHRI DI FEBRÎKAKE INGILISTANÊ DE

Ev torpilên ha ji barût, dinamit û ji her texlit madeyên tecqandinê tiji ne. Noqar û torpiyor wan tavêjin behirê û ew bi xwe wek vaporeke kiçik ber bi armancê ve diçin, lê dikevin û diteqin. Di resmê jorîn û di torpila bitenekiri de perwana torpilê ji dixuye. Ev perwane digere û torpilê dimeşine.



BALAFIRVANÊN INGILİZİ PIŞTÎ KO LI BERLİNÊ XISTINE Û VEGERIYANE
WARGEHÈ XWE LI BER BOMBAVÈJEKÊ BIHNA XWE DIDIN




DI ENIYA ÙRIS DE ESKERÊN POLONÎ BI BELGIHËN XWE ËN ZIVISTANI
3 44 16

DE GOL

ÇAWAN JINA XWE NAS KIR


De Gol bû bû kepîtên lê hèj ne zewici bû. Di sala 1920an de doslekî wî ew ezimandi bû çayê. De gol ji piyan sekini bû; fincana çayê bi dest. Di vê demê de nasekî wî hat û destê wî guvşî. Tasa çayê hejîha û çend dilop çay ketin ser fistanê xanimâ ko li rex De Gol rûnişti bû. De Gol ji vî işî gelek aciz bû, zehf li ber xwe ket û çend caran efiya xanimê hèvi kir. Bi vî awayî xebordan, di navbera wan de, cêbû û ew heta dawiya ziyaftê dom kir.

Piştî pênc mehan De Gol ew xanim yanî — Ivon Vandrû — mehir kir. Ivon iro banû De Gol e û jê sê zaroyen wê hene. Hemî xêra sê dilopên çayê yêñ ko ketine ser fistanê banû Ivon. Iro xelkê mala general De Gol li nizingî Londrê, di gundekî de dijin.



KLİŞA JORİN — Topeke ingilizi e mezin. Navê vê topê « Boche Buster » e. Topeke gelek mezin û dûravêj e Dibêjin ko di dînyayê de jê mestir top nîne. Fehrikeyên ingilizi vê paşiyê ji van topan bi destê çedikin.

KLİŞA JÊRİN — Biserhatiya torpilekê : Ev torpila bêsûc pisti ko ew avêtine behirê berê xwe daye vaporekê û dike lê bikeve. Ko lê ket ewê biteqe û bimire; lê divêt bimirine ji. Şopa ko li ser behirê hiştiye heke pê re winda ne bû, di pey wê re ji gelek namîne, digehe xwedîyan.



NÜZELAND


Nüzeland wek Ewistralyayé dominione-ke ingilizi ye. Girava Nüzelande nizingi Ewistralyayé ye û xcl-kê wê wek ewistraliyan ji njadé ingilizi ne û bi ingilizi xeber di-din. Di vi seri de nüzelandi geleki bi kéri Ingiltere hatine. Di gelek deran de ji bo doza sondxwariyan şer kirine û iro ji dikin. Klişa tenişte eskerên nüzelandi ên pi-yade şani dide.



LİBYE

Ü ŞERÊ BALAFIRAN

Vê paşiyê di qada Libyayê de serê hejê heçko sekiniye. Hebê ji dişline bê ehemiyet, girtin-heva pêşderan û hew. Lê herçi şerê balafiran, ev şer heye ko ji berê ji xurtir e. Her du alf bi şev, bi roj li wârgehîn hév di-din. Klişa me di Esriqê de qade-ke seri şanî dide. Ingilizan ba-jafireke elemalî avetiye erdê.



ESKERÊN ÇINA NEVEGIRTİ

Eskerên Çina nevegir-ti xebateke zor dixebeitin û ev pênc sal in ew li-pesiya japonan sekinine û şerê wan dikin.


Eskerên ko di klişa me de ne eskerine cîni ne-û di ser pirekê re derbas di-bin. Ev esker diçin hawa-ra Kwenlungê.



NOQAR

Di vi şerê bêeman de du çekên nûjen hene ko rexma ko bi xwe kîçik in tesira wan mezin e: noqar û balasir. Balasir di ser sere me re digerin û ji jor de li me didin. Herçî noqar heke em l. behirê ne, di bin me re têr û diçin û em wan nabînin. Lê ew bi dûrebinen ko di ser avê re dimînin me dibînin, û heke kês li me anîn dertêñ rûyê avê û bera me didin.

Ev aletêñ piçûk ji bo destegahêñ çekan û ji bo cenkeştiyan talûkene mezin in. Balasir an noqarek heke rê pé ket dikare cenkeştiye bi 40000 tonî bi bombe an torpilekê bin av bike. Ev tişti di vi şeri de gelek caran qewi-miye. Bi tenê balasir hergend biley e noqar ewçend meşgiran e. Balasir di saetê de 400-600 kilometir dikare bifire. Herçî noqar di saetê de ji 15-20 kilometir bêtir nikare here. Ji lewre noqar hergav nikarin vegezin wargehê xwe. Klişa me şani noqareke ingilizi dide ko vegeziyaye wargehê xwe û çek û zadê xwe dibe ta ko ji nû ve vegere dûrahiya behiran û li dijminê xwe bigere. Jê re bi vinçê torpilê ji dadixin.



BERTORPIYOREK JI PÊNCÎ BERTORPIYORËN KO EMÈRİKË DANE İNGILTERË



BOMBAVÊJEKE INGILİZÎ JI TIPÊ EVRO MENÇESTER

Ev balaflira dêwendam gelek dûrger e. Bi çend ton bomban tê û diçe Berlinê. Ji ber mezinabiya balaflîre peyayen wê di bin baskê wê re wek mûriyan dixuyin

Kiriyariya Ronahiyê : 500 qirûşen şâri.

Xwedi û gerînendeyê berpirsiyar : Mir Celadet
Ali Bedir-Xan . Şam—Sâriye
Directeur Propriétaire : Emin Djéladet Aali
Bedir-Khan. Damas—Syrie